

Te Reo Rangatira Kaupae 1

Te Pūrongo Aromatawai ā-Waho 2024



Te Marautanga o Aotearoa

Te Rā Aromatawai ā-Waho

Te Momo Aromatawai

Te Paerewa Paetae

Te Reo Rangatira

Te 16 o Hepetema, 2024

He Tūmahi Aromatawai Pātahi

92075

Te Wāhanga 1: He Tirohanga Whānui

Ko tā tēnei paerewa he aromatawai i te kaha o te Ākonga ki te whakamahi i ētahi rautaki reo. I pai ngā pūtakenga whakawhiti kōrero ā ngā Ākonga, ko te whakamōhio, te tohutohu, te whai māramatanga, te mihi, te whakaputa whakaaro, te whakaahua ā-kupu i tētahi tangata, i tētahi mahi rānei – me te hāngai atu ki ngā rautaki reo i tēnei paerewa paetae. Mārama ana te kite, i tino hāngai te horopaki hoki o tēnei aromatawai hei kaupapa mā ngā Ākonga te whakamahi, nā whai anō i pai te whakatakoto o aua pūtakenga whakawhiti kōrero.

Te Wāhanga 2: He kōrero mō te Paerewa Paetae

92075: Te whakamahi i ētahi rautaki reo.

Te Aromatawai ā-Waho:

Ko tā tēnei paerewa he aromatawai i te kaha o te Ākonga ki te whakamahi i ētahi rautaki reo. E rua ngā momo horopaki rerekē, ā, ko te mahi a te Ākonga ko te tīpako i tētahi o ngā horopaki hei tāhu mō ngā kōrero. Ko ngā momo horopaki he kiriata poto i ahu mai i te Tiriata. Ko tētahi he horopaki e hāngai ana ki te whakatakoto o te whenua nō muri mai i tētahi waipuke nui, ā, ko tētahi e hāngai pū ana ki te hākinakina.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- i whaihua te whakamahi i ētahi rautaki reo i mōhio nei rātou
- i āta whakarāpopoto i te katoa o te kōrero
- i whakahāngai i te reo ki tōna iwi, ki tōna hapū, ki tōna whānau, ki ā ia anō
- i whakapuaki anō i tētahi kōrero, i tētahi atu aronga, i ōna whakaaro, i ōna whēako, i ōna ake mōhiotanga
- i whakarerekē i te reo, ka tāpirihia ki kaupapa kē atu, ki horopaki kē atu.

Ko ngā Ākonga i eke ki te **Kaiaka** i te paerewa paetae nei:

- i whaitake te whakamahi i ētahi rautaki reo i mōhio nei rātou
- he whānui te māramatanga ki ngā rautaki reo ka kitea
- i tutuki te whāinga o te rautaki reo
- te tukanga hoki i te ahunga o te rautaki.

Ko ngā Ākonga i eke ki te **Paetae** i te paerewa paetae nei:

- i whakamahi i ētahi rautaki reo i mōhio nei rātou
- i whakaatu māramatanga ki ngā rautaki reo
- i whāia te tukanga o te rautaki reo.

Ko ngā Ākonga **Kāore i whiwhi** i te paerewa paetae nei:

- kīhai ētahi i whakaatu māramatanga ki ngā rautaki reo
- kīhai ētahi i whāia te tukanga o te rautaki reo.

Te Reo Rangatira Kaupae 1

Te Pūrongo Aromatawai ā-Waho 2024



Te Marautanga o Aotearoa
 Te Rā Aromatawai ā-Waho
 Te Momo Aromatawai
 Te Paerewa Paetae

Te Reo Rangatira
 Te 17 o Hepetema, 2024
 He Tūmahi Aromatawai Pātahi
 92076

Te Wāhanga 1: He Tirohanga Whānui

He Tūmahi Aromatawai Pātahi – Puka Tūwhera tēnei aromatawai. Nā, mō te taha ki te puka tūwhera, i whai waahi te Ākonga ki te whakatau i te momo horopaki. He maha rawa ngā Ākonga i whakamahi i tētahi mōteatea i ako ki te kura i waenganui tau hei horopaki, hei tāhu mō te momo reo. A kāti, ko te wāhanga ki te Ākonga ko te tīpako i tētahi o ngā pātai ki roto i te aromatawai ā-waho, kātahi ka hōmiromiro i te momo reo i kōwhiria.

Te Wāhanga 2: He kōrero mō te Paerewa Paetae

92076: Te whakamārama i ngā āhuatanga motuhake o tētahi momo reo kua ākona.

Te Aromatawai ā-Waho:

Ko tā tēnei paerewa paetae he aromatawai i te kaha o te Ākonga ki te whakamārama i ngā āhuatanga motuhake o tētahi momo reo i ako ki roto i te akomanga. E rima ngā pātai rerekē i roto i tēnei tūmahi aromatawai ā-waho. He wetereo te wairua o tēnei aromatawai ā-waho.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- i matapakihia ngā āhuatanga motuhake o te momo reo
- i whaihua te reo o te whakamārama.

Ko ngā Ākonga i eke ki te **Kaiaka** i te paerewa paetae nei:

- i whakaahua i ngā āhuatanga motuhake o te momo reo
- he whānui te māramatanga ki te momo reo ka kitea
- i whaitake te reo whakamārama.

Ko ngā Ākonga i eke ki te **Paetae** i te paerewa paetae nei:

- i tautohu i ngā āhuatanga motuhake o te momo reo

- i whakaatu māramatanga ki te momo reo
- i mārama te reo whakamārama.

Ko ngā Ākonga **Kāore i whiwhi** i te paerewa paetae nei:

- kīhai i tautohu i ngā āhuatanga motuhake o te momo reo
- kīhai i whakaatu māramatanga ki te momo reo
- kīhai i mārama te reo whakamārama.